



U skladu sa aktivnostima na projektu "Nature for recovery", Općina Centar Sarajevo objavljuje:

JAVNI POZIV

za organizacije civilnog društva
koji djeluju u sektoru turizma i pružanja turističkih usluga na području Skakavca (Opština Centar Sarajevo)

I PREDMET POZIVA

Općina Centar u partnerstvu sa Kantonalnom javnom ustanovom za zaštićena prirodna područja i Sarajevskom regionalnom razvojnom agencijom SERDA realizira projekat "Nature for recovery", sufinansiran od EU4Business projekta, kojeg zajednički implementiraju GIZ, UNDP i ILO.

Projekat nastoji poboljšati ekonomske aktivnosti na širem području Skakavca, između ostalog, i izgradnjom kapaciteta pružalaca turističkih usluga. Projektne aktivnosti osmišljene su za rješavanje identificiranih problema i poteškoća s kojima se susreću subjekti koji posluju u sektoru turizma, a doprinijeće se i razvoju ekonomske aktivnosti i ublažavanje ekonomskih učinaka uzrokovanih pandemijom COVID-19 na području općine Centar, Kantona Sarajevo i BiH.

II CILJ POZIVA

Projektne aktivnosti ima za cilj oporavak turističke aktivnosti, povećanje broja posjeta, čime će se povećati prihodi ostvareni od turizma. Aktivnosti će omogućiti turističkim ponuđačima na području općine Centar bolje prezentiranje i prodaju novih turističkih proizvoda. Uz povećanje kapaciteta korisnika za pružanje usluga, poboljšaće se vidljivost i položaj na tržištu, uvrštavanje u turističku ponudu i sl..

Cilj Javnog poziva je realizacija mjera razvoja i unaprjeđenja turističkih ponuda na području općine Centar Sarajevo u sklopu projekta "Nature for recovery".

III PRAVO UČEŠĆA, KRITERIJI I OBAVEZE

(1) Javni poziv će sadržavati 2 (dva) odvojena LOT-a:

- a) **LOT 1:** Za dodjelu bicikala na korištenje u svrhu proširenja turističke ponude biciklizma na području Skakavca
- b) **LOT 2:** Za dodjelu opreme za Via Ferratu u svrhu proširenja turističke ponude planinarenja na području Skakavca

Pravo učešća u Javnom pozivu na LOT 1 i LOT 2 imaju organizacije civilnog društva koji djeluju u sektoru turizma i pružanja turističkih usluga na području Skakavca (Opština Centar Sarajevo).

(2) Opšti kriteriji

- a) da je sjedište djelatnosti/udruženja registrirano na području Kantona Sarajevo;
- b) da je djelatnost/udruženje registrirana/o, najkasnije, do dana objave Javnog poziva;
- c) da imaju otvoren i aktivan bankovni račun, koji se vodi na ime registrovane djelatnosti/udruženja.

(3) Posebni kriteriji

- a) Da je djelatnost aplikanta na Javni poziv, usko vezana za sektor turizma i pružanja turističkih usluga na području Skakavca (Opština Centar Sarajevo) – **LOT1 i LOT2**
- b) Aplikant je u obavezi da dostavi dokaz o realiziranim aktivnostima iz oblasti biciklizma – **LOT 1**
- c) Aplikant je u obavezi da dostavi dokaz o realiziranim aktivnostima iz oblasti alpinizma – **LOT 2**

(4) Vrednovanje prijava vršit će se u skladu sa slijedećim kriterijima:

| Redni broj | Kriteriji | Vrijednost kriterija (1-5) |
|------------|--|----------------------------|
| 1. | Broj zaposlenih/broj članova (OCD) | |
| 2. | Dužina poslovanja djelatnosti | |
| 3. | Broj realizovanih projekata iz oblasti turizma (biciklizam/alpinizam) | |

Maksimalno 15 bodova

- (5) Nosilac aktivnosti vrednovanja prijava na Javni poziv je Služba za lokalno-ekonomski razvoj i mjesnu samoupravu
- (6) Na osnovu prijedloga Službe za LER i mjesnu samoupravu, Općinski načelnik će donijeti Odluku o izboru korisnika opreme, te će ista biti objavljena na web stranici.
- (7) Sa korisnicima koji zadovolje kriterije Javnog poziva i budu izabrani, općinski načelnik će potpisati Ugovor o pravima i obavezama korištenja dodijeljene opreme
- (8) Korisnici koji zadovolje kriterije Javnog poziva i budu izabrani kao nosioci projektnih aktivnosti će biti u obavezi dodijeljenu opremu koristiti u navedenu svrhu i istu održavati naredne tri (3) godine
- (9) Opština Centar Sarajevo zadržava pravo provjere stanja opreme i monitoringa realizacije projektnih aktivnosti

IV SADRŽAJ POTREBNE DOKUMENTACIJE

Uz popunjeni Prijavni obrazac, obavezno je priložiti:

- a) Rješenje o registraciji (ovjerena kopija ne starija od 30 dana) LOT1 i LOT2
- b) Potvrda o otvorenom i aktivnom bankovnom računu, koji se vodi na ime registrovane djelatnosti/udruženja (ovjerena kopija ne starija od 30 dana) LOT1 i LOT2
- c) Dokaz da je djelatnost usko vezana za sektor turizma i pružanja turističkih usluga na području Skakavca (Opština Centar Sarajevo) – LOT1 i LOT2
- d) Dokaz o realiziranim aktivnostima iz oblasti biciklizma – LOT 1
- e) Dokaz o realiziranim aktivnostima iz oblasti alpinizma – LOT 2

Prijavni obrazac možete preuzeti na slijedećem linku: <https://www.centar.ba/javni-pozivi-i-konkursi>

III NAČIN I ROK PODNOŠENJA PRIJAVE

Prijave sa pratećom dokumentacijom dostavljaju se isključivo u zatvorenoj koverti, direktno na protokol Općine Centar ili preporučeno putem Pošte na adresu:

Općina Centar Sarajevo
Služba za lokalno-ekonomski razvoj i mjesnu samoupravu
Mis Irbina 1
71 000 Sarajevo

„Javni poziv za organizacije civilnog društva koje djeluju u sektoru turizma i pružanja turističkih usluga na području Skakavca (Opština Centar Sarajevo)“

Na poleđini koverte obavezno se navodi: naziv organizacije civilnog društva, podnosioca zahtjeva, adresa i kontakt telefon, te se ovjerava pečatom organizacije.

Javni poziv ostaje otvoren 15 dana od dana objavljivanja na web stranici Općine Centar Sarajevo, tj. zaključno sa 22.06.2023. godine (www.centar.ba).

Nepotpune i neblagovremene prijave neće biti razmatrane.

IV OSTALE ODREDBE

U postupku po Javnom pozivu Općina Centar Sarajevo ne snosi nikakve troškove učesnika Javnog poziva.

Općina Centar Sarajevo ne snosi odgovornost prema učesnicima Javnog poziva, u pogledu aktivnosti koje su preduzeli u cilju apliciranja.

Prispjela dokumentacija se ne vraća podnosiocu.

Sve dodatne informacije vezane za Javni poziv mogu se dobiti svakim radnim danom putem telefona: 033/562-389 i 033/223-269.

OPŠTINSKI NAČELNIK

Srđan Mandić